

## Taarifa Mpya: Vermont yasitisha matumizi ya chanjo ya Johnson & Johnson

- Siku ya Jumanne, 4/13/21, [CDC na FDA zilitangaza pendekezo](#) la kusitisha matumizi ya chanjo ya COVID-19 ya Johnson & Johnson kufuatia visa sita vilivyoripotiwa (0.00009%) nchini Marekani vya aina kali ya kuganda damu kufuatia chanjo kati ya dozi zaidi ya milioni 6.8 za chanjo za J&J zilizotolewa Marekani.
- Visa vyote sita vilitokea kwa wanawake wenye umri wa miaka 18-48 ndani ya siku 6-13 baada ya kupokea chanjo ya J&J.
- Hadi leo, hakuna kisa kinachojulikana cha kuganda kwa damu kati ya watu ambao wamepewa chanjo ya J&J katika Vermont.
- Ingawa suala la hali kali ya kuganda damu lilitokea kwa idadi ndogo sana ya watu, CDC na FDA zina azimio la kuhakikisha usalama wa chanjo na uwazi kila hatua.
- Siku ya Jumatano, tarehe 14 Aprili, Kamati ya Ushauri wa Kaida za Chanjo (ACIP), kikundi cha wataalam wa matibabu na afya ya umma, watakutana kukagua data yote iliyopo na kutoa mapendekezo. Mkutano huu uko wazi kwa umma.
- Hatua hii ya kusitisha ilikuwa muhimu ili kuipa Kamati ya Ushauri muda wa kukutana. Pia inaipa FDA, CDC na majimbo muda wa kubaini dalili za kufuatilia zinazowezekana za kuganda damu takriban wiki moja au mbili baada ya chanjo, na inaruhusu wataalamu wa huduma ya afya kupata maelezo zaidi kuhusu jinsi ya kutathmini na kutibu hali hii nadra.
- Ni kawaida kupata athari za muda mfupi baada ya chanjo, kama vile maumivu ya kichwa, maumivu ya misuli, kibaridi, homa.
- Hata hivyo, ikiwa ulipokea chanjo ya COVID-19 ya J&J ndani katika mwezi mmoja uliopita na unapata **maumivu makali ya kichwa, maumivu ya tumbo au mguu au upungufu wa pumzi - wasiliana na mtoa huduma wako wa afya na utafute huduma ya matibabu mara moja.** Dalili hizi hazitokei mara tu baada ya chanjo.
- Mpaka tupate maelezo zaidi, tunawasiliana na watu ambao wameweka miadi ya chanjo ya J&J hadi Ijumaa 23 Aprili ili kuratibu upya miadi.
- WanaVermont ambao wameratibu miadi wiki hii kupitia mfumo wa usajili wa jimbo watapewa nafasi ya kuratibu upya chanjo ya dozi 2 katika siku za baadaye. Mara tu tutakapopata maelezo zaidi kuhusu wakati ambapo J & J itapatikana tena, tunatarajia watu wataweza kuweka miadi ya chanjo ya J&J.
- Tutaendelea kushirikiana na washirika wetu wa nchi na jimbo ili kuelewa jinsi hatua hii inavyoathiri WanaVermont na tutatoa taarifa kwenye mitandao ya kijamii habari zinapochipuka.
- Ikiwa unashindwa kupata miadi upya mtandaoni, tunaweza kukusaidia kupata miadi kwa kupiga simu nambari 855-722-7878.